

Huez Bob Wit investigando caso serio di tapmento di telefon na Aruba

ORANJESTAD(AAN) — Fuentenan generalmente bon na altura a duna di conoce cu siman pasa Huez mr. Bob Wit y mr. Hirsch Ballin tabata di bishita na Palacio di Corte.

Aparentemente e bishita aki no tabata di cortesia, sino mas bien esaki tabata un reunion di nivel masha halto mes, caminda cu ta atendiendo algun asunto serio cu ta tumando lugar den Husticia di Aruba.

Algun dia pasa Minister Rudy Croes a reacciona fuerte contra rapport De Lanoy, cual rapport ta bisa cu Corte ta prefera pa cay directamente bao di Reino Hulandes.

No ta conoci si e topico aki a wordo trata den e reunion secreto aki, pero tin indicacion cu e Huez na un forma masha confidencial a drenta atende e reunionnan y despues a bandona Palacio di Corte bao escolta di algun miembro halto di CEA.

Mientrastanto nos tin informacion cu e Huez aki a keda encarga pa investiga asunto di tapmento di telefon ilegal cu ta tumando lugar riba e pida baranca aki. Pasobra tin diferente entidad na Aruba cu ta posee aparatonan pa tap y graba combersacionnan di pueblo via telefon.

Mayoria di nan mester di un permiso di un Huez Comisario pa por efectua dicho practica, cu porcierto ta mina privacidad di e ciudadano.

Pero, por lo menos un di e entidadnan aki NO mester di dicho permiso y por tap telefon bay gol!

Tin indicacion fuerte tambe cu ora un persona haci yamada na cierto persona, cu diripiente despues un otro hende ta yamabo puntrando "abo por a yamami awor ey?"

Mirando cu esaki a sosode cu varios hende caba, e sospecho a lanta awor cu mester tin tapmento pisa tumando lugar riba e pida baranca aki.

Hopi hende ta sinti cu nan ta wordo getap, mirando cu contenido di nan combersacion ta ser scucha pa tercera persona y asina ta sigui plama.

Na mas cu un ocasion, tin hende cu a traha trampa, papia cosnan na celular pa mira si e ta sali riba caya y dicho hecho!

Ta di spera cu entidadnan cu mester ta obhetivo den nan trabao, no bay cay den weganan politico y traha na

merced di ningun politico. Nos sa di algun caso caminda cu den pasado ciudadanonan perhudica cu a wordo getap a bay te na e lugar di tapmento y notifica esun cu ta getap pa e mira bon kico e ta papiando riba caya, pasobra e ta saca contenido di su combersacionnan afor.

¿cos ta bira mas serio ora cu

a bin ripara cu entre esnan cu ta tap tin algun "shishi" tambe cu no ta keda contento ora nan scucha contenido di combersacion di cierto hende muher.

Ta parse cu nan tabata check "splinter" den wowo di otro hende, mientras cu na cas mes tabatin un "balki" bon claba!

Mientrastanto e presencia di Huez Wit ta lanta masha speculacion, specialmente pasobra na final ela wordo compaña pa un agente especialmente entrena di CEA, cu a escolte for di Corte te na Aeropuerto, na unda cu el a aborda un avion pa e regresa Curacao.

Despues cu Aruba a deporte

DISIP a laga Capitan den libertad

ORANJESTAD (AAN) — Manera ta conoci e Capitan cu a haci su mes culpable di e tragedia unda cuatro persona Colombiano a drenta Aruba ilegalmente, a wordo deporta y hiba na DISIP.


DIARIO a puntra Comisario Dompig, den un entrevista ayera mainta, si e tin informacion kico a pasa

despues, den e pais bisiaña.

"Si. E parti mas importante ta cu e Capital aki a worde laga den libertad, pasobra no tabata tin suficiente prueba riba su culpabilidad. Pero un bez cu el a yega Venezuela el a basha abao tog cu el a forza nan pa nan baha for di e boto. Pues, bo ta wak con e situacion ta y ta yammer cu

ora nan ta yega Aruba nan ta declara full otro. Pesey nos ta sigui cu e deportacion y hasta pa traha mas estricto cu e gruponan di DISIP, pasobra nan ta conoce nan hendenan, pero bo ta spera cu nan ta coopera tog cu nos, na e maximo posible", el a subraya.

CON PA PAGA CASTIGO BEK!!!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Boormachine
Afl. 39,95